

十朝东华录

嘉庆朝

第七
函

第七
册

秋七月辛酉諭軍機大臣等倭什布奏各股賊匪共有萬餘人分路撲卡經各員弁奮勇迎勦自遊擊以至把總陣亡者共有七員兵丁傷亡者亦多可見堵禦不爲不力總緣楚省邊界兵單寡不敵眾而川省官兵不能緊蹙追勦子賊以暇以致匪眾闖入非倭什布之過實勒保之咎也勒保身爲經略川楚陝豫軍務皆應通盤籌畫今賊匪竄出川省而勒保即置之不顧如此漫無調度尙得謂之經略耶勒保著傳旨嚴行申飭並著查明奔竄楚省之李樹徐添德張起貴宋慶子四股見在究係何人追勦即令各帶原有之兵速赴竹山竹谿幫同倭什布奮力截擊若能殲盡此四股賊匪則該員等縱令川匪入楚之罪尙可自贖儻再觀望怠玩必按軍律治罪再前據松筠等奏官兵勦賊爲時已久衣敝履穿並有用牛皮裹足者朕閱之深爲憐憫軍需動支款項有一定則例原不許額外濫用但亦不可因例難開銷過事苛刻今從征者前有鋒鏑之危後有饑寒之困何以使之效命疆場克敵致果耶軍營一切賞需自應略爲寬裕加之體恤使士馬飽騰人思敵愾而發揚蹈厲之氣更可壯軍容而寒賊膽果大功速竣卽有例外動用之項朕自當酌量情節特加恩准○癸亥勒保奏總兵官朱射斗殲髮賊首包正洪得旨嘉獎賞朱射斗騎都尉世職兵丁一月錢糧○乙丑諭三法司衙門具題浙江省民人汪應鳳毆傷胞兄汪應龍身死並聲明救母情切一案經內閣票擬斬決及斬候雙鐵請旨固皆係按例辦理今朕詳閱案情汪應龍因伊母袒護幼子將應出養贖食穀不給其母並出言頂撞經宋氏囑罵扭結汪應龍輒敢將其母推跌壓住用手揪按胸衣經汪應鳳往拉仍不放手汪應鳳見其母面脹氣塞喊不出聲情急用拳向毆汪應龍移時殞命是汪應龍之蔑倫肆逆殊爲兇橫可惡汪應鳳往拉不放見其母面脹氣塞事在危急用拳向毆實屬出於迫切以情急救母之人斃忤逆不孝之犯固不得以尋常毆死胞兄論卽改擬斬候亦尙覺情節可憫汪應鳳著免死改爲滿流定地發配且聞案內伊母朱氏尙有二子亦不至待養乏人如此準情酌辦庶足以昭平允而示矜恤○改山東曹單同知爲曹河同知專管曹汛隄工曹州府管糧通判爲糧河通判管轄曹下汛及單汛隄工裁河南修武縣縣丞設山東曹單管河縣丞裁河南考城汛千總設曹單協辦守備○丁卯宜興以偏聽屬員濫刑解任以岳起爲江蘇巡撫全保爲山東布政使完顏岱爲直隸按察使由河南○撥安徽江西藩庫銀各五十萬兩備湖北軍需○壬申諭軍機大臣等勒保自任經略以來已及半載於勦辦賊匪機宜總未通盤籌畫惟知安坐達州毫無調度僅將各路軍營所報情形敷衍入奏前據倭什布奏川省賊匪闖入楚省邊界係前月二十四日拜發至今已二十餘日並未據勒保奏及此事茲又據倭什布奏李淑等股賊匪屯聚竹山竹谿房縣交界處所倭什布督率將弁悉力堵禦賊匪直撲副將孫清元營盤意欲北趨襄陽一帶經倭什布派兵堵禦賊匪又復折回乘夜圍撲倭什布營盤被官兵擊退始向西南奔竄而李淑後股賊匪尙屯泉河一帶又有羅半年一股亦接踵入楚爲數不下二萬見經倭什布飛咨勒保速派官兵赴楚協剿可見楚省並無川省派往之兵勒保於事先既未能豫爲防範縱令羣賊擾及楚境迫賊已入楚又不星速派兵前往會擊

並未將如何籌辦派何人前往會勘之處先行馳奏竟置楚省之賊於不問又安用此經略爲耶且見在藍號白號賊匪俱已竄入川北地界亦未聞勒保派兵堵截是勒保竟係擇一無賊處所紮營株守直與木偶無異不料勒保孤負委任一至於此前因官軍剿捕日久恐致疲乏節經詢問勒保應否添調官兵勒保以無庸添兵覆奏復經降旨詳悉開導諭以不可回護前奏致誤事機勒保仍堅執前說不必添兵朕早料其不足倚仗已豫調山西兵三千盛京兵二千前往接濟今楚省之賊多至二萬而倭什布一路官兵不過三千有餘則勒保節次所奏不必添兵之說是誠何心種種玩誤上負 皇考及朕簡用之恩此而不加懲治軍紀安在勒保著革職鞫問所有經略事務著明亮接辦並授爲正紅旗漢軍都統其四川總督員缺著魁倫署理並派乾清門侍衛春甯安福色玉慎傳陞一同馳驛前赴明亮軍營著魁倫親齎此旨前往宣讀明亮接奉此旨將剿辦張漢潮事務交付慶成永保即同魁倫前赴達州軍營傳旨將勒保革職鞫問即將以上指出各情節嚴訊勒保定擬具奏並查明由大衙門入楚境之賊本係何人退剿何以並不上緊趕截縱令入楚一經查實即將此路帶兵之員革職鞫問不可稍有瞻徇○乙亥諭軍機大臣等前此入楚各股賊匪不知是川省何兵追躡會經降旨詢問今閱勒保摺始有七十五德英額呂朝龍三人並派廣東兵九百名在交界堵截之語此節最關緊要若係勒保派往時即諭令及境而止不必入楚則是勒保惟知有川不知有楚經略之謂何若七十五等三人畏賊退怯竟以翻入老林誑報經略則伊三人之罪更不可追勒保會否諭令三人入楚協剿亦須明白訊問具奏其另摺覆奏賊匪各色稱號賊黨忽分忽合各立號記而何賊與何股合夥見竄何地勒保未能深知所查多未確實在勒保之意總欲回護從前不肯添兵之奏故以賊匪股數無多藉詞支飾此猶係勒保捏奏小節至賊匪有減無增之語實屬有心欺罔試思各股賊匪蔓延數省陝省之平利楚省之竹山竹谿房縣到處被賊蹂躪裹脅日多據倭什布奏入楚之賊已二萬人勒保身為經略各路皆係管轄豈得以川匪竄入楚陝即謂有減無增耶勒保以此狡詞回護實屬喪心病狂最重之罪實在於此明亮應將此一節會同魁倫向勒保嚴切詢問迅速奏聞又據勒保奏請撥餉銀五百萬兩尤屬荒唐前發去餉銀二百五十萬兩甫經到彼豈一時已全數用去又復請餉五百萬兩全不籌及國計止圖請發多金以爲虛糜侵冒地步勒保亦自知所請過多故另立賑濟難民名色巧爲蒙混蓋軍需支用有一定則例部中可以按例議駁即尋常賑濟尙有豫報戶口冊籍可據若投出難民之數任開數十萬名無從覈其多寡是勒保竟欲藉賑濟名色爲將來冒銷之計更屬有心取巧朕素不靳惜帑項曾經降旨以軍營支發兵丁款項總當略爲寬裕儻成功迅速朕必有例外准銷恩旨即投出難民亦須優加撫恤務使按名俱有歸著毋令一夫失所原爲體恤兵民起見豈可令帶兵之員各肥囊橐乎並著明亮魁倫一體據實嚴查具奏○革景安伯爵發伊犁效力○免甘肅教匪滋擾之隴西等十四州縣西固三岔二州同所屬近賊之皋蘭等四十廳州縣及沙泥州判紅水縣丞所屬新舊額賦並民欠籽種口糧○丁丑諭成親王永瑤面奏懇辭管理戶部並三庫事務據稱自幼在上書房讀書未曾閱歷度支出納款項繁多恐難兼顧陳請解退部務庶於軍機

處承旨書諭諸務得以專心辦理且各部俱無總理之人戶部事亦無庸另設總理等語成親王承理自總理戶部以來敬奉公
盡心綜覈即應得指項銀兩亦不行支領所管三庫均能稽察弊端茲因兼攝職任較繁懇辭再四具見謙抑之懷著俯允所請永
理不必總理戶部其戶部三庫事務著另派那彥成管理所有永理定立章程至為詳妥仍著戶部堂官及那彥成等遵循辦理○
辛巳諭各省呈進方物原以備賞賚之需見在二十七月之內萬壽聖節並不舉行筵宴無須頒賞所有各督撫及鹽政關差織造
應進方物槩行停止呈進若中秋節令外間不過以瓜餅食物酬酢往來內廷並無宴賚之例尤非萬壽及端陽歲除可比嗣後中
秋節貢著永遠停止○轉明安為工部左侍郎以酉成為工部右侍郎甘肅大興人○壬午諭軍機大臣等此次張漢潮貢至竹林關與
豫楚兩省交界相隔均二百餘里明亮等既在川陝楚三省交界屯紮賊匪若竄至鄖陽一帶即可迎頭截殺如直趨商維一帶偏
近豫省尤當繞前奮擊賊匪仍折向南山等處則有慶成永保自西而東正可趁勢迎剿其時此股賊匪可專交伊二人剿辦明
亮與興肇即帶兵就近取道鄖西速赴竹山竹谿幫同倭什布連勒李淑徐添德等股倭什布處賊眾兵軍待援甚急前添調山西
官兵諒可陸續趕到明亮即可全行帶領赴楚○江南礪汛那家壩河溢○甲申接山西藩庫銀四十萬兩備四川軍需○述德以
年老降補內務府司員調張師誠為江蘇按察使完顏岱為河南按察使以同興為直隸按察使由長蘆鹽運使遷

八月戊子諭昨有湖南廣西候補吏目二人徑至乾清門呈遞奏摺經奏事處官員駁斥未接仍行據實具奏自以不接為是此時
當廣開言路明目達聰原俾下情無不上達但朝廷設官分職有一定階級等差應否自遞奏章皆係體制所關不容淆混是以降
旨封奏者外省自道員以上豈有越分至不應至之地濫行呈奏之理耶況此等人員如果於內外利弊確有所見或別有冤抑急
欲訴原准其在各衙門封遞直達朕前並不至於壅蔽若不論何項人員皆紛紛赴宮門遞摺倘復成何政體此皆由門禁不嚴
該管大小官員因循怠玩不能留意稽查以致外省候補微員徑赴宮門幕越呈遞嗣後禁城內各門出入人員著前鋒統領護軍
統領各率所屬之章京等認真稽查按照舊例行走如再有似此越分遞摺之事必將該管大小官員治罪○癸巳富綱丁母憂以

長麟為雲貴總督出客什噶爾參贊大臣○甲午免調派盛京吉林黑龍江兵丁經過州縣額賦直隸自山海關至磁州十分之三河南至湖
北十分之五○乙未勒保奏德楊泰生擒首逆龔文玉賞德楊泰騎都尉世職兵丁一月錢糧○丙申諭兵部議處達例呈進土貢
之福州將軍慶霖請照違制例革職一摺各省呈進貢物節經降旨嚴行飭禁見居八月十三日為皇考萬壽誕辰朕既不能

奉觴稱慶而明歲九旬萬壽又不獲躬率天下臣民祝嘏肅敬申孝養每瞻靈几哀慕方深今慶霖乃循照年例呈進

土貢益令朕觸緒增悲殊屬冒昧即照部議以違制例革職實為罪所應得姑念慶霖由侍衛出身擢任將軍心地糊塗於體制不

能諳悉且因兼管閩海關務所進止係土物又屬初次著從寬改革職留任惟是此次慶霖得邀寬宥或有外間無識之人妄意前
此飭禁雖奉有明諭而違例呈進其革職處分仍可邀恩留任又視為具文遂思僥倖嘗試冀開進奉之門此則有意測探人非朕

此次施恩之意矣從前進貢一事 皇考亦屢經頒諭嚴禁而督撫等仍間有備物呈遞者 皇考因其既經備進或賞收一二件

藉贖上下之情然亦甚以爲可厭今朕志先定斷不容臣工等有陽奉陰違之事朕在藩邸時一切服御起居娶從簡樸而親政後

大以崇儉黜華冀厚生而敦饒俗見在宮禁之中所貯珍寶玩品極爲充勿飢不可食寒不可衣可見此等珍奇止屬無用之物

况外省備進貢物名爲奉上其實藉以營私每次未收之件既可分餽權要又可歸入私囊而屬員等競事逢迎輒以幫貢爲詞藉

端派累層層巧取以致小民腹削難堪大抵進奉一節最爲吏治之害此朕所深悉弊端而必加嚴禁者也此次朕之所以寬恕慶

霖者實因伊係武職糊塗所進止係方物其各不過冒昧尚非欲倡爲此舉首先嘗試是以姑免革職備臣工等誤會朕意欲藉此

營私見好仍冀得免嚴議則是有意外效尤不但照違制例革職必當重治其罪決不姑寬朕如此披誠訓諭而內外臣工多有不能

深信朕者必欲陷朕以好貨之名快其私憤便其私圖雖係以小人之腹度君子之心不足與較然朕之苦衷亦不可不宣示也至

慶桂在京供職相距伊弟任所較遠慶霖呈進不合之處未經阻止其各尚輕著照部議查覈准抵免其降調將此通諭知之○免

貴州苗匪滋擾之興義府屬額糧○丁酉撥內庫銀四十萬兩備河南軍需○戊戌倭什布奏剿捕湖北獸馬河窺匪賞雲騎尉世

職兵丁一月錢糧○辛丑陳用敷以疾乞休允之以判道乾爲安徽巡撫方昂爲江蘇布政使成甯爲貴州按察使

癸卯諭軍機大臣等昨據廣興奏聞明亮會說從前在金川時伊與溫福一同帶兵今受伊子勒保節制心實不願若即將張漢潮

一股剿盡必須前往四川聽候勒保調度莫若留張漢潮在陝任其往來奔竄竊追剿爲名免致赴川且得專摺奏事又聞永保在

留壩華林山地方遇見賊匪永保所帶之兵雖有一千皆係疲乏有將官穆克登布再三阻止不可與賊打仗永保說受主恩深厚

既遇賊匪豈有不竭力截殺之理彼時賊匪見官兵在半山駐紮即在山下向上攻撲又另分一股從間道上山下壓以致官兵被

賊匪上下夾攻勢甚危急幸有馬兆瑞帶兵五百名前來衝擊賊匪見有援應始行散去嗣明亮前來會晤永保責備明亮以華林

山打仗時明亮在廢邸關駐紮相隔止七十里何以不帶兵前來救援明亮又責備永保冒昧打仗損折兵將與伊無涉永保要參

明亮頓兵不救明亮要參永保敗衄失事彼此大加爭鬭又明亮至鳳縣時賊匪向北奔竄明亮轉帶兵向南行走聲言繞道迎截

其時慶成到彼與永保合兵未赴明亮一路等語朕又聞從前張漢潮會遇之食向村莊內搜尋並無可掠止竟得桐油即與賊匪

分食充飢遂即嘔吐困頓經兵勇探知報明帶兵大員而明亮與慶成不往捕又張漢潮會與賊匪在村莊酣飲卧地經兵勇報知

領兵大員亦不迅往擒拏旋被逃脫以上各情節如果屬實則明亮慶成永保竟係挾私縱賊有心玩寇無怪乎意見之不和也著

魁倫秉公確查據實具奏不可稍有徇隱又本日祖之聖到京據稱湖北辦理軍需查出胡齊崙經手帳簿多係開載領兵大臣稿

實提用及督撫與該道餽送領兵官員款項如明亮慶成永保伍瑞德楊泰舒亮等皆曾得過性額勒登保一人未經得受是軍興

以來所發餉銀七千餘萬竟爲伊等餽送侵肥花消之用湖北一省經手軍需爲數尙少已有如此弊端何況四川支發軍餉不啻

數倍於楚且胡齊嵩僅係道員輒以公務作爲餽送見情何况福甯職分較大總辦糧務如勒保明亮及在營帶兵官員豈有不在意提用作爲餽送藉資結納之理卽如福甯從前曾經致送和坤銀兩朕所深知此時朝中雖無權要有須餽賂之人而督撫等或藉犒賞爲名私行提用自肥已蒙皆所不免試思國家經費有常今以七千餘萬之帑一任伊等揮霍全不以軍務爲重則賊匪何由得平伊等之意總不過欲藉辦理軍務煩請多發餉銀可以浮冒開銷爲補從前虧缺地步是以有意遷延竊不欲勒辦完竣誠恐軍營歲事則平時虧空悉行破露無可彌縫此實外省積弊最爲可恨今特交魁倫將福甯經手軍需嚴行查覈其平日如何侵用餉銀致送何人並各路帶兵大員如何藉詞徇賞提用若干之處一一詳細查究若得實據卽行鎖拿逮卽具奏卽如明亮勒辦賊匪爲日已久乃挾私養寇惟事尾追甚至賊匪經過營前必可就擒而縱令逸去殊出情理之外且領兵諸大員雖承受朕恩日淺而仰蒙 皇考厚恩至爲優渥縱欲養寇自便獨不思速殲軍務得以及早來京叩謁 山陵乎如明亮實有提用餉銀及得受福甯餽送情事魁倫必當據實舉劾不可以此事一經實奏恐形迹之閒似欲排擠明亮圖爲經略因而有所瞻顧不實今特明諭魁倫卽使明亮被參後朕亦斷不將魁倫授爲經略魁倫見署四川總督儘兼任經略勢必紮營駐兵不能遠涉則與勒保何異若帶兵四出越境剿賊則川省地方應辦之事及本境賊匪又安能兼顧乎見在各路帶兵大員惟額勒登保最爲出力卽以胡齊嵩餽送而論亦惟額勒登保獨無沾染不特軍營人員眾口稱讚卽在京滿漢各員無不重其爲人可見額勒登保忠勇清公實爲難得經略之任舍伊誰屬卽額勒登保不識漢字亦何難以清字繕奏朕亦降清字諭旨指示耶魁倫竟不必存避嫌之見爲明亮等容隱惟當據實詳查若有受賄確據賊數逾貫罪應至死者卽應一面嚴參一面傳旨拏問又據吳熊光奏豫省挑補兵丁不但鄉勇等不願入伍卽兵丁子弟遇其父兄缺出亦不肯卽行充補前令各省招募兵丁原以鄉勇民人旣得口糧養贍又上進有階自必踊躍從事今乃視爲畏途退避不前此皆由帶兵官員不知體恤任其滋糲凍餓甚至以牛皮裹足亦全不爲意其有赴義捐軀者無論兵丁鄉勇俱不肯按名咨卹何怪乎鄉勇之不願入伍食糧兵丁子弟亦不願報充營缺耶要之國帑運至軍營總不肯公平散給諸將意中本無平賊之心惟知罔利營私故於兵丁等全不加之軫恤安能得其心而用其力魁倫不可不痛懲積習大加振作以期迅奏膚功仰慰 皇考在天之靈毋負朕諄切語誠至意又諭項隆旨後朕復思從前令魁倫赴川先至達州傳旨將勒保革職拏問卽將所齎諭旨一道並經略印信俱交額勒登保帶領兵丁齎赴湖北明亮軍營今廣興來京覆命奏及明亮不甘爲勒保之下有心玩誤實屬可恨豈可復膺經略重任卽使擊獲張漢潮亦難自贖見已降旨授額勒登保爲經略魁倫前抵達州傳旨革拏勒保後卽以經略印信交額勒登保祇領帶去之荷包卽賞給額勒登保以示獎勵所有帶給明亮諭旨一併付給閱看至川省軍營人員營私牟利交結應酬上下一氣交通舞弊而兵丁糧餉轉不能卽時給發魁倫所奏種種弊竇與朕所聞相同著魁倫卽向勒保嚴切訊問務得實情福甯係總辦糧務大員經手軍需其通同侵蝕必有甚於胡齊嵩者並著魁倫調齊底

帳將收支細數悉心查覈若得使用幣項鬼送入已實據即傳旨將福甯一面革職鎖拳一面奏聞候朕嚴訊魁倫到川後第一緊要之事係審訊勒保其次即嚴查福甯經手餉銀此二事特交魁倫專辦○賞參贊大臣額勒登保都統銜爲經略大臣撥內庫銀二百萬兩命副都御史廣興副都統托津押送四川達州以備軍需○乙巳論今年正月初八日朕所以將和珅福長安等問治罪者因伊二人同受 皇考厚恩多年不思感激報效朋比爲奸獲罪甚重不得不治以國法非朕初親政務即將 皇考左右常侍之大臣遽加罪譴也但伊二人中和珅種種不法已極又經科道劾參情節重大斷無一綫生路是以於十八日即賜令自盡而福長安雖未經人指款參奏然與和珅同爲軍機大臣勢位相等而甘心阿附不自樹立且自嘉慶元年以來朕時時命伊召見且朕恭謁 泰陵伊獨隨行於沿途行宮每日召見數次並微示以意冀其將和珅平日所爲直陳無隱福長安始終諱飾無一語道及和珅者是其昧心喪良自甘比黨甚爲可恨故特命罕罕乃出自朕意非由他人舉發也大學士九卿等議以斬決後又從寬改爲監候即使福長安捫心自問尙得謂非情真罪當乎若定擬以後有續將伊別項劣蹟指劾者自仍按罪究辦亦無偏縱之理今自監禁以來已逾半載以伊擬斬之人誰復畏其勢餘而竟別無論及之者是福長安居官行事雖非無可指摘然與和珅之罪狀多端爲舉朝痛恨者則有間矣今朝審已過獄典具成因念福長安蒙 皇考養二十餘年即使伊冥頑不靈不念 恩遇而朕方當觸目成哀之時卽當年 御用器物犬馬猶不忍棄置况如福長安之稍有趨走微勞譬如小犬之曾蒙馴飼禁中者乎今屆奉移 山陵之期福長安稍有人心自必以身獲重罪不能叩送 梓宮痛心涕泣深自愧悔縱伊無此心而朕心究竟有所不忍福長安著加恩釋放伊平日在 皇考前常有捧茶之職事今著前往 裕陵永遠充供茶拜唐阿俾其敬依 陵寢感念 皇考深恩時加內省且伊父傳恆墳塋亦在附近地方福長安並可追思伊父從前克承 眷注永保令名將必撫衷自問於爲臣爲子之道今竟何如耶伊子雲騎尉錫麟亦著隨往交與 蘇德等派給差使福長安著於釋放後給假十日以便接收賞還查鈔物件向來臣工有以貪墨獲罪者例將家產籍沒入官總視其獲罪之重輕而不計其貲財之豐薄卽如賊私狼藉家產優厚從未有如和珅者然春開查鈔之後除違制之物如正珠朝珠圭式案之類原不可以頒賜臣工其餘若章服什物俱各視王公文武大臣以及御前乾清門侍衛等品 減分應用者悉行令賜下至宮中內監亦無不徧邀賞賚而留賜和孝公主者更不可勝計惟零星破舊物件始交崇文門變價所值無幾此人所共知也至福長安鈔入物件內有伊備辦 皇考九旬萬萬壽及朕四旬萬壽呈進者自不必復行賞還今將餘物架行分日賞給朕於福長安罪名已定時卽將今日所賞之物令總管太監等另爲存記則朕於 皇考時服侍舊人苟可矜全必無置之重典與夫事違國法初不計較財貨之意可感著於中外大小臣工矣所有辦理此事始末特行通諭中外知之○勒保奏生擒首逆卜二聘並各逆家屬○丙午論據劉權之奏買補倉穀宜赴鄰邑採辦以免派累一摺所奏自屬可行採買倉穀向來原有定例今據劉權之奏地方官奉行不實往往藉端肥囊輒在本地派買不論市價貴賤止發銀四五錢不

等並勒令出具照時價領票之差役需索使費以致領票花戶皆不願上納穀石惟求繳還原封銀兩另外加倍繳價較交穀猶爲省事甚至有方富戶賄屬書吏將本名下之穀飛運零星有田之戶富戶轉得少領竟致完善良民衣食難周深受採買之累地方官止圖折價入己遇當平糶之年仍無存貯之米一旦協濟鄰省則著米舖倉卒購辦照時價尤有剋扣及起運收米押運之家入胥役又向舖戶百端勒指等語種種弊端實所不免特此通諭各督撫嗣後遇應行買補倉穀年分務須飭令所屬在豐稔鄰縣按照時價公平採辦不許向本地派買並將向來吏胥等串通舞弊積習嚴行查禁隨案重懲以期倉穀皆歸實貯小民不至攪累至社倉原係本地殷實之戶好義捐輸以備借給貧民之用近來官爲經理大半藉端那移日久並不歸墊設有存餘管理之首士與胥吏亦得從中盜賣僅遇歲歉粒全無以致殷實之戶不樂捐輸老成之首士不願承辦是向來良法徒爲官吏侵肥亦應一律查禁並著各督撫等將各省社倉仍聽本地殷實富戶擇其謹厚者自行辦理不必官吏經手以杜弊竇而裕民食各督撫務須董飭所屬實力奉行如有前項弊端即行據實參奏儻仍視爲具文復蹈前轍一經訪問或破科道參奏必將該督撫重治其罪將此通諭知之○定各省刑具式有私創及非法濫用者罪之○戊申以萬甯爲太常寺卿廣厚爲江西布政使姜開陽爲甘肅按察使道憲○己酉諭慶成永保與明亮同在陝省勦辦張漢潮一股賊匪理宜同心協力以國事爲重上緊殺賊俾陝境早就肅清方爲不負任使乃半載有餘尚未肅事節據奏報剿賊情形總未見伊三人會同夾擊明亮之摺則稱見在直前追剿若遇慶成永保帶兵前來即可合圍奮擊而慶成永保之摺又稱想明亮追躡前來即可併力合剿彼此各用揣度之詞互相推諉每隔旬餘即如此奏報一次塞責近日甚至彼此不通信息伊等意見不和忌功樹黨朕早經洞鑒節次降旨嚴飭並令松筠密行查奏昨據松筠奏賊匪於八月初一日竄至商州楊家斜地方明亮於是日追抵商州慶成永保即折回西北鈔擊及明亮追賊至藍田慶成永保又趕往北面等語伊二人已明知明亮趕至商州正應會商會剿乃轉行折回是直欲避明亮不與相見張逆得延殘喘皆由二人不迎頭攔截之故松筠摺內稱慶成永保於十六日至鎮安之舊縣關紮營直至二十二日始至該縣東五里之舊司駐紮此數日內慶成永保究竟日行幾里其罪已無可辭本日已時先據慶成永保奏鈔截張漢潮趕至五郎邊界一摺內稱賊匪有分出落後一股恐其乘隙北竄永保即於大三岔一帶要路地方暫停等語此仍不過託詞躲避明亮豫爲諉卸地步而慶成由鎮安五郎鈔向西北又稱山險不能繞出賊前令綸布春等帶領馬隊前行慶成准在後督催並稱連日陰雨山水斗漲趕至海陽壩地方僅蹙數十名而夥匪又折向東南鎮安復因兵丁衣履泥溼在彼收拾是慶成亦惟託故遲延並不跟蹤追剿而伊二人摺內竟未提及明亮一字尤出情理之外午時旋據明亮奏到痛剿張漢潮賊眾偏向西南逃竄一摺訊據獲賊供稱有兩日行三百餘里並無官兵追趕之語摺內又稱自鄧陽郡西緊躡賊蹤趕向商州今又追至鎮安境內慶成永保等帶兵二千餘名總未見面是慶成永保本日奏到之摺竟係畏懼明亮參劾有心捏飾似此懷挾私見坐談事機全不顧剿賊軍務慶成永保可謂喪盡天良若不嚴行懲

治何以肅軍紀而勵戎行且張漢潮以一老病無能之賊又身受槍傷陝省見在並無他股賊匪若不趁此時肅清陝境一任伊等耽延貽誤何時方能剿淨茲特命工部尚書那彥成以欽差大臣前往督同明亮剿辦張漢潮一股賊匪以期迅速集事即著那彥成齎朕諭旨先於慶成永保軍營將伊二人傳旨革職等因一面向慶成永保嚴訊將伊二人玩談實情先行具奏再交與松筠定擬具奏那彥成即帶領慶成永保原帶之兵與明亮會商剿辦務將張漢潮一股首夥悉數殲除不留餘孽所有陝西巡撫員缺著馬慧裕暫行署理其成都將軍員缺候朕另行簡放○張端城以母老乞政京職允之以公義為雲南按察使由道補天○庚戌命東省漕糧仍照舊例冬兌春開○辛亥革翰林院編修洪亮吉職命軍機大臣會同刑部審訊○壬子論據朱珪劉權之奏伊等未將洪亮吉投遞原書並詩句進呈自請交部嚴加議處各摺洪亮吉書詞荒唐朱珪劉權之既經拆閱自應即時呈進乃經奉旨查訊始行交出此等書詞若係滿洲人員我遜伊等未必不即時呈出可見朱珪劉權之均不免因自由翰林出身意存回護惟念朱珪平日人品端正劉權之節次陳奏之事尚能切實敷陳伊等所請嚴加議處之處著加恩改為交都察院吏部議處尋議降三級調用得旨改為降二級留任○申諭各督撫整飭營伍○調台布為陝西巡撫以謝啟昆為廣西巡撫劉斌為浙江布政使臚柱為福建按察使由道補○癸丑諭本年正月朕親政之初即特頒諭旨廣開言路原欲內外臣工各抒所見指陳利弊以收兼聽並觀之效不特事關國計民生彈劾官吏俱當直言無隱即朕用人行政有能規諫者如果敷陳得當朕必虛心採納特加獎擢以風勵有位而半載有餘條陳政務摺奏尚不乏人從未有匡及朕躬者朕方時深虔惕不敢稍存滿假之念昨軍機大臣等將洪亮吉呈遞成親王書札進覽語涉不經全無倫次洪亮吉身係編修且曾在書房行走若有條奏事件原可自具封章直達朕前或交掌院及伊素識之大臣代奏亦無不可乃洪亮吉輒作私書呈遞成親王處並稱有分致朱珪劉權之二書因命一併呈閱書內所稱如先法 憲皇帝之嚴明後法 仁皇帝之寬仁等語洪亮吉以小臣妄測 高深意存軒輊狂謬已極又稱三四月以來視朝稍晏恐有俳優近習熒惑聖聽等語朕孜孜圖治每日召見臣工披閱章奏視朝時刻之常規及宮府整肅之實事在廷諸臣皆所共知不值因洪亮吉之語細為剖白若洪亮吉以此等語言手疏陳奏即荒誕有甚於此者朕必不加之罪責更當加以自省引為良規今以無稽之言向各處投札是誠何心設成親王等不將各札進呈轉似實有其事代為隱諱矣且俳優近習究係何人必有所指先命軍機大臣何伊訊問則毫無指據此外所供各款亦多出自臆度爰允軍機大臣等所請將洪亮吉革職交軍機大臣會同刑部審訊而洪亮吉惟自認一時糊塗信筆混寫是何言耶又書內所稱詭事和坤諸人如孫士毅寶光羅李綬等早經物故吳省欽則業經罷斥蔣賜棨韓鐸雖尚列朝籍已不復需用此外若吳省蘭胡長齡汪滋曉等與和坤交涉之處皆朕所素知春間將和坤定讞時已明降諭旨凡依附和坤者槩不必株連豈有因洪亮吉一言復行追究之理又如楊天相一案朕早有所聞特交費滔等確查並無冤枉的據果有屈抑則案內參革治罪之陳大用及見在監禁之林朝相沈春發等豈無一言申訴何待洪亮吉

爲之噫嘆不平乎又如秦承恩關閉城門不納難民等事屢經審訊並詢之陝省文武諸臣實無其事是以加恩釋放給還鈔產惠
齡則因其曾經度復首逆降補侍郎皆有明旨宣示此等貽誤地方之員亦必罪至於死方可加之重典卽如顯肆謗訕之洪亮吉
尙不肯遠抵於法況封疆大臣焉有罪狀未明輒冀之重辟乎此外羅列貪黷諸人及同軍機章京章煦求認師生等事據供皆得
自傳聞漫無確據更無庸一一根究矣至洪亮吉肆意妄言有心誹謗經軍機大臣會同刑部照大不敬律擬以斬決實屬罪由自
取但朕方冀聞謫論豈轉以言語罪人亦斷不肯爲誅戮言臣自蔽耳目之庸主今因伊言惟自省於心有則改之無則加勉而已
洪亮吉平日耽酒狂縱放蕩禮法之外儒風士品埽地無餘其訕上無禮雖非諫諍之臣可比亦豈肯科以死罪俾伊竊取直名致
無識者流妄謂朕誅戮言事之人乎惟近日風氣往往好爲議論造作無根之談或見諸詩文自負通品此則人心士習所關不可
不示以懲戒豈可以本朝極盛之時而輒蹈明末聲氣陋習哉洪亮吉著從寬免死發往伊犁交與將軍保甯嚴行管束至原書三
件除成親王呈進者留以備覽雖所陳係毫無影響之事朕必不因此含怒以干太和之氣而阻敢言之風且可隨時披閱藉以爲
始勤終怠之儆其呈遞朱珪劉權之二書仍著發還聽其或留或毀可也所有辦理此案始末特行通諭中外臣工知之○甲寅諭
向來各省民人赴都察院步軍統領衙門呈控案件該衙門有具摺奏聞者有咨回各該省督撫審辦者亦有徑行駁斥者辦理之
法有三似此則伊等准駁竟可意爲高下見當廣開言路明目達聰原俾下情無不上達若將其控之案擅自較斥設遇有控告該
省督撫貪黷不職及開涉權要等事或瞻顧情面壓閣不辦恐啓賄賂消弭之漸所關非小嗣後都察院步軍統領衙門遇有各省
呈控之案俱不准駁斥其案情較重者自應卽行具奏卽有應咨回本省審辦之案亦應於一月或兩月視控案之多寡稟奏一次
並將各案情節於摺內分晰註明候朕披閱儻有案情較重不卽具奏僅咨回本省辦理者經朕看出必將各堂官文部嚴加議處
著爲令○蔣兆奎請各直省有漕州縣每石加徵米一斗津貼旗丁 上不許

九月丁巳 高宗純皇帝梓宮發引 上恭送往 裕陵啓鑾○戊午以江南洪澤湖決命截留徐州屬七州縣漕糧備賑○已未

定伊犁駐防兵婦守節已居年限限內也旌表例○庚申再免經過地方明年領賦十分之三○辛酉 上謁 昭西陵 孝陵

孝東陵 景陵至 裕陵詣 隆恩殿恭奉 冊寶上 孝賢純皇后尊諡曰 孝賢誠正敦穆仁惠輔天昌聖純皇后 孝儀純

皇后尊諡曰 孝儀恭順康裕慈仁翼天毓聖純皇后○壬戌 高宗純皇帝梓宮至 裕陵暫安於 享殿○加工部尙書彭元

瑞太子太保禮部尙書德明太子少保○以阿迪斯爲成都將軍達椿爲左都御史調鐵保爲吏部右侍郎瑚圖禮爲盛京刑部侍郎

郎以成書爲盛京兵部侍郎由內閣學士遷○甲子諭軍機大臣等張漢淵大股賊匪經明亮等分路奮剿卽折向茅平一帶逃竄是賊勢

已蹙明亮趕抵江河而張漢潮已由焦漢河西竄若永保慶成能在彼堵住自行就獲乃總未夾擊一次見據明亮奏稱永保慶成

駐紮地方未得扼要言外之意自以伊二人竟在無賊處所躲避且稱慶成已至四畝地追剿永保於八月駐紮大山營至今未動

豈非有心貽誤以縱張逆昨據松筠奏永保七月間移營每日不過二三十里不等已屬玩誤而自駐紮大山岔後又株守二十餘日實出情理之外著交那彥成會同松筠確查嚴訊即按軍律定擬慶成坐失機宜罪無可逭惟從前剿賊曾受重傷亦著那彥成松筠切實嚴訊並查四畝地追賊之事是否確實一併具奏至明亮奏稱居心行事以阿桂爲則試問明亮若能效阿桂之清何至到處勒索若能效阿桂之勇何至乘輜避賊此等詭辨何所用之今那彥成係阿桂之孫明亮若心存輕視則非和衷共事之道但又不可將軍情重務議之那彥成一人自圖卸責須幫同剿辦速將張漢朝擊獲若再不知奮勉則永保即前車之鑒也○丙寅諭軍機大臣等松筠奏明亮素稱知兵此次剿辦張逆所言似合機宜其實固有成效恆瑞前在湖北頗知奮勉又將藍白二號賊匪兜剿肅清甘境近日稍不如前因年力漸衰之故所奏俱是至其稱額勒登保勇而且廉德楊泰打仗奮勇評論得當不虛延訪惟所奏尙書那彥成來陝督辦已經札商酌定適中之地駐紮並令各路彙報軍情一節非朕本意朕所以特派那彥成前往者原令督同明亮剿辦張漢朝一股賊匪那彥成到彼應相機辦理若張漢朝果竄入棧道並當與明亮入川追剿受額勒登保節制是那彥成當以剿賊爲重安有在適中地方駐紮彙報各路情形之理又據奏軍營借支一項由於畢沅不爲經違之計務從豐厚習久成式所奏自屬實情其畢沅從前浮濫之處將來自另行覈辦也○怡親王永琨薨遣貝子奕純回京帶領侍衛十員奠茶酒以孫奕勳襲爵○戊辰轉晉福爲理藩院左侍郎以貢楚克扎布爲理藩院右侍郎
由松爾巴哈台參贊大臣選
○庚午大葬高宗純皇帝於裕陵○加廣柱董誥太子太傅○辛未上回鑾○癸酉上還京師○諭軍機大臣等那彥成奏稱如有失誤軍機情眞罪當者大員嚴參治罪將弁以下而奏聞以軍法從事等語軍營疲玩積習自當力爲整頓以期壁壘一新若兵丁等有干紀律原應即時懲辦至將弁以下必當按罪詳覈方可置之重典即如永保延玩避賊已屬確鑿何難卽辦而朕猶必交那彥成等審擬又如已革副將富成遊擊尤漢玉俱因剿賊不力拏問審明後因有一機可原未予重辟此朕於整飭軍紀之中仍寓明慎欽恤之意那彥成當仰體朕懷慎重辦理且本朝經略大臣亦從無先斬後奏之事况欽差乎蓋人命至重萬一罪狀未確所關匪細此正朕愛惜那彥成處那彥成當倍加詳慎如查有實係失誤軍機者卽微末員弁俱按律定擬候旨遵行豈得自行專擅耶○甲戌恭奉高宗純皇帝孝賢純皇后孝儀純皇后升祔太廟頒詔天下覃恩有差○乙亥諭軍機大臣等倭什布奏將楚省竄匪剿逐出境湖北肅清倭什布係守土之臣固以楚省肅清爲幸而自朕視之陝楚何分畛域三年以來各省皆自顧疆域以逐出爲邀功從不肯實力痛剿前此倭什布具奏安設楚省各邊界卡座繪圖進呈當諭令盡心防禦乃未及月餘而李淑辛聰等先後闖入豈非有名無實此次將賊匪驅入陝境尙不足抵疏防之咎若再任辛聰等復行折回必當併前罪治之又李淑已被槍傷身死倭什布因無據未敢遽信所奏尙是李淑係大股首逆著細查覆奏○丙子奉安高宗純皇帝孝賢純皇后孝儀純皇后御容於壽皇殿○戊寅諭據軍機大臣呈進河南假領縣民人楊道純所運策表朕詳加披閱內稱內惡已誅外弊當除蘇民困以固國

本民心安而賊可滅安民先除積弊倉庫漕糧實國之本而弊之大者懇請降旨嚴行飭禁務遵定例切實妥辦等語楊道純以民人而條陳事件不特並無違礙所言皆係地方應辦之事且於因奏體制亦俱符合所陳各項今次第舉行如果內外臣工所言皆能切當豈不甚善楊道純深有感於庶人傳語之義著加恩以從九品未入流交與直隸總督胡奎堂差遣委用遇有缺出再行咨補○調曹城倉禮部右侍郎轉江甯倉兵部左侍郎調劉秉恬為兵部右侍郎鄒炳泰為倉場侍郎由禮部右侍郎調○已卯諭朕聞安徽省備實人犯留冊陳用款具題緩決經刑部改入情實者共有九案覈其情節該犯等或因金刀傷多斃命或強奪良家妻女姦占為妻或否埋堂弟以及毆斃老人幼孩等事俱係逞忿淫兇例應情實予矜之犯乃陳用款皆擬為緩決辦理實屬錯誤推陳用款之意因伊春間備擬陳卿廷撞騙關餉一案兩旨即行正法經朕降旨飭諭並令該撫覆覈時將該犯仍照本律擬絞監候又因本年有人條奏請免失出處分經部議准陳用款遂爾心存揣度謂朕意在從寬輒將秋審應行情實之犯不問情節輕重槩擬緩決以致刑部駁改九案之多殊不知陳卿廷一案本律止應絞候陳用款於律外加重是以降旨改正此案入於情實將來自應予矜仍係按律辦理並非有意從寬也朕自親政以來節次飭諭問刑衙門不得擅用雖但字樣及例外援引從重之條蓋以原情定律務協情法之平豈可稍存軒輊若因有前旨而督撫等辦理刑名偏於寬厚豈非誤會朕意乎大清律例皆我祖宗執中定憲法守所昭朕惟有謹奉舊章不敢稍參己意督撫等何得以窺測之私於律外有所增減夫世俗以有意從寬故出人死罪為好善陰功者皆鄙陋不通之見斷不可以例爰書若將本應抵償之犯槩從寬縱則死者當不含冤於地下耶所謂生人而當謂之仁殺人而當亦謂之仁也嗣後各督撫等問擬罪名總當按律定讞不得豫存從寬從重之見用昭平允陳用款及臬司福慶辦理秋審失出多至九案仍著交部議處餘用款見已告病回籍俟病痊補官日再行降旨○庚辰諭昨據饒什布奏胡齊嵩動用軍需案內將兵帳進呈此內各路軍營任意提用及督撫支取餽送著款項累疊實堪駭異夫軍需之設為養兵以平賊平賊以安民今自剿辦賊匪以來部發給銀多至七千餘萬而各省協濟銀兩尚不在此數如果實用實銷則兵精餉足士氣奮揚早應撲滅賊匪何至兵丁衣服藍襪幾同乞丐癩年累月迄未成功是節年所發給金竟徒為伊等亂法營私之用而於兵丁全不體恤又何怪師老兵疲士不用命耶見於底帳中查出永保提用尤多慶成數亦不少見已將永保慶成家產查鈔著將清單發交那彥成松筠按款嚴訊計贖定罪毋得稍有實不實不盡○諭湖北支用軍需為數尚少已有如此弊端何況川省軍需不啻數倍且胡齊嵩止係道員又況川省辦理軍需之宜歸英善福甯等經手日久豈有不濫行提用餽送結納之理不可不切實嚴究計此時廣興已可到彼著傳諭魁倫即將福甯解任質霍其糧餉事務交廣興接辦福甯如能自行供明呈送底帳並將宜縣英善從前在任時底帳和盤托出罪尚可寬儉飾詞含混一經察出伊能當此重罪乎○額勒登保奏剿賊首阮正濫得旨獎賞授正白旗漢軍都統出力員弁升賞有差○撥部庫銀一百萬兩備陝西軍需○辛巳諭從前畢沅身任湖廣總督不能實力整頓貽誤地方以致教匪潛謀勾結乘間

遊事畢沅又不能督飭所屬迅速剿除迄今匪徒蔓延川陝等省日久尚未撲滅皆由畢沅於教匪起事之初辦理不善其罪甚重昨又據優什布查奏胡齊倫經手動用軍需底帳畢沅提用銀兩及餽送領兵各大員銀數過多卽如永保解交刑部後畢沅寄送銀兩又復幫助恆秀贖罪等事是畢沅既經貽誤地方復將軍需帑項任意濫支結交餽送亂法營私莫此爲甚若畢沅向在必當重治其罪今雖已身故豈可復令其子孫仍任官職所有承襲畢沅輕車都尉世職之長孫畢蘭慶及承襲畢沅廕生之次子畢嵩珠俱著革去不獲承襲○壬午諭向來每歲舉行祈穀典禮俱由禮部等衙門隔年舉行奏聞明度庚申正月初八日上辛應行祈穀大祀係在立春之前所有致祭日期業於昨歲奏明高宗純皇帝自當屆期舉行不敢議改惟朕思禮經所載孟春祈穀原爲本年歲事豫兆農祥若在立春以前舉行於乘陽之義未爲精當因檢查大清會典文獻通考書內載康熙五十四年欽奉諭旨以次年正月初十日雖係上辛尚未立春從前亦有於次辛下辛致祭之時交大學士會同太常寺議奏旋經議准於下辛行禮又雍正十二年亦以次年正月十二日立春初十日應行恭祀祈穀壇欽奉諭旨以祈穀乃新春典禮似不應在立春以前交該部會同定議亦改期次辛並請嗣後每年祈穀均在立春後上辛日舉行又乾隆十五年二十九俱因次年上辛在立春以前改用次辛又四十六年禮部具題次年祈穀日期改用次辛欽奉諭旨朕御極以來遇正月初三日以前上辛因必須隔年齋戒是以改用次辛其有初四日上辛亦改用次辛者則因係聖母皇太后祝釐初祉儀不容缺至明歲正月初四上辛並非四年可比況冬至南郊禮成有於次日受賀者所有明歲祈穀仍用上辛並著爲令可見祈穀典禮我聖祖世宗高宗俱以應在立春以後得辛舉行爲是理應敬謹遵行嗣後每年祈穀總以立春爲度如立春在本年臘月而上辛亦在年內未便隔年舉行祭辛之禮自應改用次辛又立春係在年內而得辛如在元旦及初二初三則歲除之日既未便於城外宿壇卽得辛在正月初二初三等日而除夕亦係齋戒之期朕應住宿齋宮於元旦應祭堂子奉先殿壽皇殿及宮中拜神之處亦未便分詣行禮俱應改用次辛總之每年立春後得辛如在正月初四日以後則當用上辛在初四日以前則當改用次辛說得辛日期適遇正月初七日世祖章皇帝忌辰則祇承之義統於一尊不必因此而展祈穀之期仍當於是日恭行致祭壇上亦仍照儀注作樂惟禮成回宮園簿大樂則設而不作至元旦朝賀原屬臣下敬上儀文因值齋戒期內停止受賀以昭朕凝承祀之義於禮原屬無缺况南郊禮成向有次日受賀之例此後凡遇元旦齋戒其朝正典禮應於祈穀次日補行者爲令○諭軍機大臣等明亮奏張漢潮又從深林中前竄著那彥成松筠查係由明亮恒瑞興肇三人內何人堵剿之一路突圍而出卽將此路縱賊之人及帶兵將弁一面奏聞一面革職鞫問所有張逆一股著那彥成台布會同追剿朕此次查辦明亮等三人之罪並非有意將從前帶兵大員盡行更換特因伊等負恩遷延歲月不得不加以懲辦而那彥成松筠台布皆爲皇考擢用之軍機大臣亦並非朕藩邸故交驟加簡任以新開舊也○革疏縱張漢潮之參贊大臣都統明亮職實副都統銜剿賊○癸未諭吏部議請將

祖之望照例例降三級調用一摺實屬咎所應得胡齊嵩一案本係特交祖之望審辦祖之望既經查出底帳有餽送軍營各員情事若於彼時卽據實具奏方爲不負委任乃並不早行陳奏經倭什布再三開導始行交出祖之望雖因人數眾多案關重大其心究不免回護本應照部議降調惟念祖之望在湖北藩司任內於軍需總局支發各項尙無染指情弊此底帳旋即送交倭什布處並未焚毀伊於到京日卽行陳明非始終欺隱者可比且聞其平日居官聲名尙好祖之望係刑部司員出身刑名素所諳悉著加恩以按察使降補○諭昨據倭什布奏到胡齊嵩動用軍需底帳慶成永保俱經得受餽送銀兩因降旨將伊等家產查鈔今據布彥達寶盛住等將鈔出慶成永保家產開單呈覽本應照例入官但念慶成之曾祖孫思克曾於國初著有勛績爲本朝出力之臣又有公主下嫁伊家而慶成之祖五福亦曾任御前侍衛始終勤慎今慶成雖因帶兵不力得受餽送獲罪但念伊前此打仗曾經得傷此次未經上緊殺賊較之永保之有心逗遛安坐貽誤者有間所有慶成祖遺住房一所及公主陪嫁坐落薊州等處地三十一頃六十畝五分四釐金冊一分俱著加恩賞還至慶成之父惟精並未獲咎其屋內什物亦著全行給還其餘鈔出房地金銀錢文衣物等項皆係軍需項下餽還所得俱著交內務府等衙門照例辦理男婦人口發交該旗查辦所有大隆號蘊德鋪李文林借過銀一萬兩九江管關道阿林保借過銀四千兩及張星彩借過銀四百兩並著勒限嚴追至永保得受銀兩前據胡齊嵩交供畢沉送銀二千兩其餘六千兩係屬馬價今訊據永保家人伊昌阿等供稱永保在刑部監禁後有沈姓送到銀八千兩此內有畢沅幫銀二千兩胡齊嵩送銀六千兩永保卽令伊姪出名將銀三千兩買得住房一所其餘五千兩陸續用去等語是此項房屋係永保將收受餽送銀兩所買自應入官至永保家人除借用者無庸入官外其新典之九兒張氏二名著交該旗照例官賣其餘查出祠堂祭田及伊子英智英華衣服什物俱著賞還○申禁直隸漕糧積弊○賜賢良後裔故大學士朱軾曾孫生員晉麟知縣振聲景華舉人○乙酉前據倭什布奏到胡齊嵩動用軍需底帳鄂輝得受餽送銀兩因降旨將伊家產查鈔今據傅森恭阿拉等將鈔出鄂輝家產開單呈覽本應照例全數入官並查革世職惟念鄂輝所得世襲男爵係在湖南軍營擒獲首逆加恩賞給其所受餽送銀兩係在湖北之事所有前賞鄂輝男爵仍加恩賞伊長子鄂爾善照舊承襲其次子少子所捐官職亦不必斥革鄂輝從前得受此項銀兩明知出自軍需因有人餽送伴爲不知竟收受至四千餘兩之多如鄂輝尙在必當計贓治罪今已身故免其深究所有單內開載住房一所取租房三百餘間地十頃餘畝及家人男婦十六名口俱著加恩賞還伊子鄂爾善等其銀錢朝珠玉器衣服等項自應入官著交該衙門照例辦理至伊子鄂爾善等衣服物件著傅森等分晰查明賞還○諭軍機大臣等昨據青海親王索諾木多爾濟等以近年生番屢搶游牧伊等逃避至舒置之不問等情申報理藩院轉奏已將奎舒革職交松筠審訊矣茲閱奎舒所奏生番情形一摺奎舒惟怯無能僅遣熟番千戶等往拏首犯追索牲畜不思生番尙無項目地屬曠野何從追緝朕意於生番內設一頭目賞給六七品頂帶俾資彈壓嗣後再有搶掠之事庶易辦理松筠駐藏多年諳悉外番情形著卽籌度辦理加另

有所見不妨據實陳奏總期邊陲無事爲要又據奏照依索諾木多爾濟等所呈將托遜諾爾等處所設防範郭羅克卡倫移於蒙古游牧附近一節殊屬錯謬郭羅克近年以卡倫嚴密之故未曾搶掠今將卡倫撤回黨郭羅克乘間搶掠何以禦之著傳諭松筠迅即仍前設卡所有奎舒恆怯情節一併訊明具奏○以潘世恩李鈞簡俱爲內閣學士

潘世恩由爲事李鈞簡由少詹事選

冬十月丙戌朔封貝子奕純子載錫爲二等鎮國將軍賞頭品頂帶花翎○丁亥以直隸長新店地方鋪戶被劫革總督胡季堂太子太保花翎○戊子調書麟爲雲貴總督長麟爲閩浙總督以阮元署浙江巡撫

阮元部左

○己丑諭明亮勒辦張漢朝一股賊匪

經年迄無成功業經降旨革去參贊大臣都統仍賞副都統銜予以自效並命那彥成松筠確查明亮如有縱賊實據即行嚴參治罪本日那彥成台布奏到審訊永保供詞據稱數月以來總未見明亮截住賊頭緊追賊尾無從與之夾擊且明亮咨送摺彙所奏打仗殺賊投出民人係交隨營知府趙洵審訊未見錄供稟報永保因令知府朱勳札詢據趙洵覆稱明亮因賊匪遁走日久不能不一奏塞責任情鋪敘所稱龍駒寨莊牧護關三次打仗殺賊俱屬烏有救出被掠百姓亦屬子虛並據差往軍營探信之外委張起鳳稟稱自五月至八月止明亮一路軍營惟前隊鄉勇等兩次會殺賊二十餘名官兵並未打仗一次等語閱之殊堪駭異明亮與永保素有嫌隙前因明亮參奏永保久駐大山岔一月有餘遷延觀望先經降旨將永保革職拏問旋據永保奏稱係明亮札令永保在彼駐紮見據永保呈出明亮來札雖尙須查究未可遽以此卸永保逗留之罪但所稱明亮數月並未與賊接仗及謊報軍情各情節係得之知府趙洵及外委張起鳳稟報之語鑿鑿有據是明亮欺罔罪狀較之縱賊爲尤重朕辦理軍務宵旰勤勞於軍營奏摺批示不移晷刻若似明亮滿紙鋪敘全係虛詞天良喪盡尙安望其真心辦賊此而不嚴行懲治何以整飭戎行朕又將何以用人乎至興肇每次與明亮聯銜具摺乃於明亮種種欺飾之處扶同入奏罪亦難追明亮興肇俱著革職拏問交與松筠嚴審定擬具奏○庚寅諭前因長新店有盜匪肆劫一案胡季堂路過該處接據稟報並不即時具奏已降旨將該督宮銜革退並拔去花翎以示懲儆仍傳旨嚴行申飭胡季堂身任總督平日於地方營伍不能整飭一任廢弛致附近京畿路匪逞兇肆劫咎實難辭早應自請嚴議迨接奉飭諭尤應慚悚請罪乃昨日奏到之摺止係聲敘該處被劫情形及參列疏防文武員弁並無認罪之語今日覆奏申飭之摺僅以虛詞敷衍搪塞仍不自請交議豈該督竟視此案盜匪爲尋常事件耶見經江蘭長齡查明長新店汛兵五名是夜在汛者止有三名而西路捕盜兵丁四名是夜全未在此彼巡緝長新店係附京要地人煙稠密爲商旅往來輻輳之區該汛兵丁既少胡季堂早應籌議添設乃官兵止此數名尙有全不到汛者有到止過半者營伍廢弛莫此爲甚拱極營遊擊范建舉近在該處於被劫之次日並未即時查辦並有離長新店三十餘里之麥石口把總馳往面告被劫之事范建舉仍置若罔聞轉以護送吉林兵丁爲詞前往良鄉一帶彼時吉林兵丁尚未到境該遊擊先期前往冀圖卸責亦由胡季堂平日遇事因循遂致營員毫無顧忌西路同知孟生草久已患病經朕早有聞知面詢胡季堂尙奏其並無病證今則臥牀不起較前爲甚以近京緊要

之區留此久病委頓之員繼接貽誤皆胡季堂同護瞻徇所致除將遊擊范建舉同知孟生革職解京交軍機大臣會同刑部審
辦外胡季堂著交部嚴加議處尋議照例革職得旨著革去頂帶仍帶革職留任處分○壬辰調朱珪爲戶部尚書劉權之爲
吏部尚書范建中爲左都御史

由吏部調

由吏部調

○甲午以廣興爲內閣學士

身爲道員經手湖北襄陽軍需局四百一十九萬餘兩並不按例支發於奉文扣平之外復又私扣銀至二萬九千餘兩任情餽送

其罪甚重因將胡齊嵩革職拏解來京交軍機大臣會同刑部嚴行審訊並傳集人證質對今據審明屬實照例侵盜錢糧入己數在

一千兩以上例問擬斬監候洵屬法無可貸自勒辦教匪以來迄今四載所費帑項多至七千餘萬賊匪滋擾始自湖北而軍營餽

送之風亦始自湖北畢沅身爲總督公然提用軍需正項信任胡齊嵩一人經理恣意侵扣實爲首先作俑如畢沅尚在朕必立置

重典也軍營帶兵大員如明亮永保等藉勦賊爲名稽延時日不顧職事其意以功成受賞卽加五等之封詔將自有定額不如常

在軍營厚享餽賂一領兵過往開而所得動至盈千累萬以養寇爲肥身之計以糜帑爲飽囊之資縱賊蔓延日久未滅皆由於此

卽如畢沅餽送永保銀二千兩胡齊嵩餽送永保銀六千兩一節伊等卽因永保在京監禁欲行挾助亦當各出己貲何得用國帑

爲朋情耶試思此項銀兩皆兵丁等衣糧雇履之資今忽短餉八千則從征之士因茲而懷凍餒之患者不知其幾千人矣而欲令

其踴躍戎行克敵致果其可得乎從征之士不能飽煖焉能破賊以致賊害良民不可屈指其罪皆由於此等劣員所積也朕親政

以來將軍營積弊屢次嚴飭禁止而伊等習爲故事仍恐相率效尤不得不再爲明白曉諭俾知儆懼見在四川軍餉已徹底查辦

務使領兵各員無利可圖方能專心勦賊以冀速蕩大功至胡齊嵩爲此案罪魁今擬斬監候覈其情罪明年秋審時必當予勾

且業已動刑監禁一年之久或致病斃轉得倖逃顯戮然予以斬決在胡齊嵩雖不足惜而於本律究有所加朕詳慎庶獄俱係按

律辦理從不肯有意從嚴胡齊嵩著卽處絞餘依議將此通諭中外並領兵大員及見辦軍需者知之○明亮奏職斃首逆張漢潮

出力員弁議敘有差賞兵丁一月錢糧○戊戌諭軍機大臣等前此陝省賊匪一被官兵偪卽向老林翻山逃匿看來老林大山

實爲藏奸之藪此時賊氛已淨此等處所必當酌加清理適本日召見彭元瑞奏及陝省終南山縣互八百餘里山內地界皆係岐

山鳳翔武功蓋屋鄠鄠咸甯長安藍田等九縣分段管理而山內地地方遼闊居民稀少又于子午谷一道向來本禁止行旅往來後畢

沅因遞送金川文報改由子午谷行走取道便捷較之舊時驛路可近七八日之程關成通衢以致賊蹤得由此奔竄其山脊已開

有民人耕種此等地方既係山徑僻難又延袤廣遠與其置之空閒徒爲盜藪何若酌爲疆理安置編氓且見在難民就撫之後無

豕可歸無地可種卽官給銀兩藉資口食止能賄給一時亦豈能久安生計若資糧用盡無以自存勢必改智復萌仍爲草竊之事

朕意南山內既有可耕之地莫若將山內老林量加砍伐其地畝既可撥給流民自行墾種而所伐材木卽可作爲建蓋廬舍之用

並察看山內地地方形勢廣狹或分建縣治或設立廳署並妥設營汛移駐弁兵以資管束彈壓其官廨所需木植取給老林亦屬其

便

宜

妥

籌

辦

奏

奉

便且就撫之民又可傭工覓食亦以工代賑之一法從此作為土著各安本業既有恆產必有恆心於招徠安撫及因地制宜之道豈不兩有裨益此即倣明代原傑經理耶陽綬輯流民之遺意而小用之實善後所急宜籌及者松筠台布務須實心經理妥協籌辦况陝省前有撥發餉銀一百萬兩正可作為一切善後事宜之用從前平定新疆拓地二萬餘里我皇考於一切善後事宜區畫盡善盡美是以數十年來相安無事松筠台布皆係素能體國愛民者於此事亦當籌畫萬全為久安長治之計或伊二人酌量一人親往查勘明白會同商辦更可得有把握斷不可止圖目前急於完事仍致有名無實也○庚子 上自成福宮移居養心殿○命各督撫實力編查保甲○辛丑截留湖北漕米六萬石備軍糈○壬寅 上幸慶郡王永琚第○德穆泰劬除高家營賊匪生擒首逆高均德高二等得旨獎賞封二等男授參贊大臣賞兵丁一月錢糧○以范建中為杭州將軍趙佑為左都御史轉周興岱為吏部左侍郎調章鳳三為吏部右侍郎汪承需為工部右侍郎以祖之望為刑部右侍郎候補按察使○癸卯諭朕在紫光閣閱武進士騎射路過 實錄館因念在館人員值此天氣漸寒朝夕纂辦著加恩於例支柴炭外所有冬臘正月每月賞銀五十兩以為盤火薪水之資在廣儲司庫內支領並著為例○丁未諭本朝自設立軍機處以來向無諸王在軍機處行走正月初間因軍機處事務較繁是以暫令成親王永理入直辦事但究與國家定制未符成親王永理著不必在軍機處行走見在軍機處大臣人少傅森著仍在軍機處行走○賜李雲龍等六十四人武進士及第出身有差○辛亥諭朕恭問 皇考御極十年一諭旨曾令在京大臣密保才守出眾之員以備擢用於延訪人材之中收兼聽並觀之效朕躬親覽庶政首重得人自當率循舊章舉行賞簡任著滿漢大學士六部尚書侍郎及三品以上之都察院通政司大理寺堂官於京外各員內有操守端潔才猷幹濟及平日居官事蹟可據者各舉所知密行保奏不必急遽塞責不得稍有徇私濫舉充數以副朕廣諮博採至意○命左右翼總兵官月輪一人於城外駐半月率屬巡緝○以賡音布為左副都御史由通政使遷○壬子諭前因勒保自簡任經略以來安坐達州從未親自督兵惟將各路軍營情形每隔旬餘彙報塞責遲延日久辦理毫無把握以致賊匪東奔西竄官兵往來追剿迄無成功種種玩誤其罪甚重是以特令魁倫馳往川省署理總督傳旨將勒保革職拏問另授額勒登保為經略大臣彼時並未將勒保家產查抄者止因勒保尚無別項贓款嗣經湖北查出軍需底帳如明亮永保慶成鄧輝等俱經得受餽送提用餉銀先後降旨查抄而勒保在川於軍需項下查無侵用入己實據是以至今總未籍其家產蓋查鈔之事原所以儆貪墨若身任大員贓私疊疊自當將其贓產入官以抵貪婪之罪如並無犯贓事蹟即另有別項罪名亦止按例科其應得之罪不將家產查鈔此辦理之權衡非偏徇勒保也本日據魁倫審訊勒保供情定擬一摺朕詳加披閱如勒保並不留心體恤兵丁於喧鬧生事之滿兵不即查明嚴辦又不將領隊之訥音勒參總兵德齡被賊戕害時不即派兵將前往接濟明亮恆瑞不聽調度亦未據實參劾而於接到倭什布咨會有賊匪竄入楚境之事並不速行具奏傳詢之下勒保轉以恐煩聖心為此四字尤為內外臣工通弊殊不知蒙混日久激成事端豈不更煩朕心耶此皆